

四庫全書

史部

欽定四庫全書

史部

御定月令輯要卷六

詳校官監察御史_臣查瑩

檢討_臣德生覆勘

總校官知縣_臣繆珙

校對官編修_臣周厚轅

謄錄監生_臣龔詒安

欽定四庫全書

定月令輯要卷六

三月令

天道

月卦大壯原易大壯利貞本義大謂陽也四陽盛長故為大壯二月之卦也

日在奎原禮仲春之月日在奎集說奎宿在戌降婁之次

中星原禮昏弧中旦建星中疏餘月昏旦中星皆舉二十八宿此云弧中建星中獨非二十八宿者以弧

星近井建星近斗井斗度多其星體廣不可的指昏旦之中故舉弧建定其昏旦之中也增淮南子注弧旦在

與鬼南建
星在斗上

律中夾鍾

原禮律中夾鍾集說夾鍾卯律長七寸二千

二月律中夾鍾者言萬物陰陽相夾厠也淮南子斗指卯卯則茂茂然律受夾鍾夾鍾者種始莫也夾鍾之數六十八主二月白虎通二月律謂之夾鍾何夾者葦甲也言萬物葦甲種類分也韓愈憶昨行憶昨夾鍾之呂初吹灰上公禮罷元侯迴

雷發聲

原禮雷乃發聲疏雷是陽氣之聲將上與陰相衝蔡邕云季冬雷在地下則雉應而雉孟春動

於地之上則蟄蟲應而振出至此升而動於天之下其聲發陽也增玉厯通政經二月四陽盛而不伏於二陰陽與陰氣相薄雷遂發聲陶潛詩仲春遘時雨始雷發東隅衆蟄各潛駘草木從橫舒

始電

原禮始電疏電是陽光陽微則光不見此月陽氣漸盛以擊於陰其光乃見故云始電增四時氣候

仲春之月陽氣方盛陰不能制故陽光閃爍而為電

心為合宿

原詩三星在天箋三星謂心星也有尊卑夫婦父子之象又為二月之合宿故嫁娶者以

為候焉疏二月日體在戌而斗柄建卯初昏之時心星在於卯上二月之昏合於本位故稱合宿

如月

原爾雅二月為如

招搖指卯

原淮南子仲春之月招搖指卯增晉書樂志二月之辰名為卯卯者茂也言陽氣生而孳

也茂

出震物豫

增洪範五行傳雷以二月出震其卦曰豫言萬物隨雷出地皆逸豫也

陽德施行

增易乾鑿度隨者二月卦陽德施行蕃決難解萬物隨陽而出

天門

原說文卯冑也二月萬物冑地而出象開門之形故二月為天門

春門

增說文卯為春門萬物已出

龍星出

增論衡二月之時龍星始出見則雩祈穀雨

仲陽

原梁元帝纂要二月仲春亦曰仲陽中春

慶雲見

增北史隋高帝紀開皇元年二月京師慶雲見

二八之門

增北史庾季才傳二月日出卯入酉居天之正位謂之二八之門

昏井晨斗

增唐書歷志仲春昏東井十四度中月令張中張星入東井十八度晨南斗二度中月令

建星中於太初星距西建也甄耀度及魯厯南方有狼
張無東井鬼北方有建星無南斗井斗度長張建度短
故以正
昏明云

天德日

原選擇厯書二月申為天德日
申與巳合用巳為天德合日

韓愈春雪詩

原新年都未有芳華二月初驚見草芽
白雪却嫌春色晚故穿庭樹作飛花

節序

日中星鳥

原書日中星鳥以殷仲春傳日中謂春分之
日鳥南方朱鳥七宿殷正也春分之昏鳥星

畢見以正仲
春之氣節

賓日

原書寅賓出日傳寅敬賓導也蔡傳以春
分之旦朝方出之日而識其初出之景

始雨水

原禮始雨水疏漢初驚蟄為正月中雨水為二月節至在後以來事稍變改故律歷志云雨水

為正月中驚蟄為二月節由氣有參差故也

命民社

原禮擇元日命民社注社后土也使民祀焉神其農業也祀社日用甲增國語土發而社助時

也注土發春分也社者助時求福為農始也牛弘春祈社歌辭厚地開靈方壇崇祀達以風露樹之松梓句萌既申芟柞伊始恭祈粢盛載膺休祉

朝日

原禮天子元端而朝日於東門之外注朝日春分之時也增周禮天官掌次朝日祀五帝則張大次

小次設重帟重案疏朝日者謂春分朝日祀五帝者謂四時迎氣次謂幄帳也

冒鼓

原周禮冬官韜人凡冒鼓必以啟蟄之日

粉榆社

原史記封禪書高祖初起禱豐粉榆社天下已定詔御史令豐謹治粉榆社常以四時春以羊

彘祠之

月從青道

增漢書天文志月有九行春分月東從青道唐書歷志推陰陽厯交青道至春分之宿及

其所衝皆在

黃道正東

里社

原漢書陳平傳里中社平為宰分肉甚均里父老曰善陳孺子之為宰平曰嗟呼使平得宰天下亦

如此肉矣

辰星效奎婁

增淮南子辰星正四時常以二月春分效奎婁

驚蟄

原淮南子雨水加十五日斗指甲則雷驚蟄音比林鍾增四時氣候立春以後天地二氣和同雷欲

發聲萬物蠢出蟄蛰震動
是謂驚蟄乃二月之節也

春分

原淮南子驚蟄加十五日斗指卯中繩故曰春分
則雷行音比挺賓增歲時百問仲春四陽二陰晝

夜之氣中停陰陽
交分故謂之春分

達路除道

增淮南子墓鳴燕降而
達路除道注春分之後

陰陽相半

增春秋繁露中春之月陽在正東陰在正西
謂之春分春分者陰陽相半也故晝夜均而

寒暑
平

正陽雲

原易通卦驗春分正
陽雲出張如白鵠

日在中衡

原孝經說天有七衡春分之日日在中衡增
楊炯渾天賦風生闔闔之門日在中衡之道

降婁之次

增月令章句自壁八度至胃一度謂之降婁之次雨水春分居之魯之分野

社神

原風俗通謹按春分左氏傳曰共工有子曰句龍佐顓頊能平九土為后土故封為上公祀以為社

非地祇遵生八牋二月令幼小兒女早起避社神免至面黃增韓愈賽神詩白布長衫紫領巾差科未動是閑

人麥苗含穗桑生甚共向田頭樂社神

鼓音

原風俗通鼓者郭也春分之音也萬物郭皮甲而出故謂之鼓

薦韭卯

增四民月令二月祀太社之日薦韭卯於祖禰

會社

原荆楚歲時記社日四隣共結綜會社牲醪為屋於樹下先祭神然後饗其胙

入田候

增荆楚歲時記春分日民並種戒火草於屋上有鳥如鳥先難而鳴架架格格民聞此鳥則入

田以
為候

絕蟲蟻

原千金月令驚蟄日取石
灰糝門限外可絕虫蟻

震王

增周易集解帝出乎震崔憬曰帝者天
之王氣也至春分則震王而萬物出生

社壇餘酢酒

增本草拾遺社壇餘酢酒治小兒語
遲納口中佳又以噴屋四角辟蚊子

黃褐侯

增嘉祐本草斑鳩是處有之春分化為黃褐侯
黃褐侯青鶴也本草拾遺黃褐侯狀如鳩而綠

褐色聲如
小兒吹竿

燕避社

原埤雅燕之往來避社
而嫌土不以戊巳日

傳針線

原演繁露張籍吳楚歌辭云庭前春鳥啄林聲
紅夾羅襦縫未成今朝社日傳針線起向朱櫻

樹下行則知社日婦人
不用針線自唐已然矣

治顰酒

原石林詩話世言社日飲酒治耳顰五代李濤
有春社從李昉求酒詩云社公今日沒心情為

乞治顰酒一瓶惱亂玉堂將一徧依稀巡到第三廳昉
時為翰林學士有月給內庫酒故濤從乞之社公濤小

字也

采茶

增試茶錄民間常以驚蟄
為候以春陰為采茶得時

開焙

增北苑別錄驚蟄節萬物始
萌每歲常以前三日開焙

嘉魚

原夔州志嘉魚春社前出首有黑點長
身細鱗肉白如玉味頗鹹食鹽泉故也

社翁雨

原提要錄社翁社母不食宿水故社日必有雨
謂之社翁雨陸龜蒙詩幾點社翁雨一番花信

風增黃庭堅詩花發
社公雨陰寒殊未開

社飯

原遵生八牋春社日以諸肉
雜調和鋪飯上謂之社飯

採雲母石

原遵生八牋春分宜採雲母石煉之用礬或
草生露水或五月茅屋滴下簷水俱可煉久

服延年

神曲散

原遵生八牋春分後宜服神曲散其方用蒼朮
桔梗各二兩附子一兩茯苓二兩炮細辛一兩

搗篩為散紅絹囊盛之一人佩帶一家無病有染
時疫者取囊中之藥一錢新汲水調服取汗即愈

延福齋

增雲笈七籤三洞奉道
科云春分為延福齋

三素雲

增雲笈七籤春分後夜半子時東北望
有元青黃雲是太微天帝君三素雲也

王廩社日詩

增吉辰兮上戊明靈兮惟社伯仲兮畢集
析祭兮樹下濯卵兮莖韭齧蒜兮擗鮓縹

醪兮浮蟻交
觴兮並坐

杜甫遭田父泥飲詩

原步履隨春風村村自花柳
田翁逼社日邀我嘗春酒

梅堯臣春社詩

增年年迎社雨淡淡洗林花樹下賽田
鼓壇邊伺肉鴉春醪酒共飲野老暮相

諱燕子何時至
長皋點翅斜

蘇軾春分後雪詩

增雪入春分省見稀半開桃李不勝
威應慚落地梅花識却作漫天柳絮

飛不分東君專節物故將新巧發陰機
從今造物猶難料更暖須留御臘衣

陸游春寒詩

增海棠花入燕泥乾梅子枝頭已帶酸
老去懶尋年少夢春分不減社前寒

日次

初一日

初吉

原詩二月初吉國語自今至於初吉陽氣俱蒸土膏其動注初吉二月朔日也增劉筠大酺賦二月

初吉春日載陽皇帝乃乘步輦出披香排飛闥歷未央御南端之曉闕臨迴望之廣場

中和節

原舊唐書德宗紀貞元五年正月乙卯詔四序佳辰歷代增置漢崇上巳晉紀重陽或說禳除

雖因舊俗與衆共樂咸合當時朕以春方發生候及仲月勾萌畢達天地和同俾其昭蘇宜助暢茂自今宜以

二月一日為中和節以代正月晦日脩三令節數內外官司休假一日增唐德宗詩東風變梅柳萬彙生春

光中和紀月令方與天地長耽樂豈予尚懿茲時景良庶遂亭育恩同致寰海康居臣永終始交泰符陰陽曲治

水新碧華林桃始芳勝賞信多歡戒之在無荒呂渭詩
皇心不向晦改節號中和淑氣同風景佳名別咏歌
襦移舊俗賜尺下新科歷象千年正醕醑四海多花
隨春令發鴻度歲陽過天地齊休慶歡聲欲盪波

曲江會宴

原舊唐書德宗紀貞元六年二月戊辰朔百僚會宴於曲江亭上賦中和節羣臣賜宴六

韻增德宗詩至化常在宥保和茲息人推誠撫諸夏與
物長為春仲月風景暖禁城花柳新芳時協金奏錫燕
周羣臣絲竹豈云樂忠賢惟所親庶洽朝野意曠然天
下均李泌奉和詩風俗時有變中和節惟新軒車雙闕
下會宴曲江濱金石何鏗鏘簪纓亦紛綸皇恩降自天
品物咸知春慈恩匝寰瀛歌咏同君臣劇談錄都人遊
翫曲江池盛於中和節綵幄幃翠幃匝於堤岸鮮車健馬
比肩擊轂上賜宴臣僚京兆府大陳筵席長安萬年兩
縣以雄勝相較百辟會於山亭恩賜太常及教坊聲樂
池中備綵舟數隻惟宰相王使北省官與翰林學士登

馬

卷六

進書獻種

原舊唐書德宗紀中和節日令百官進農書

三卷司農獻黍粟各一斗增鄭式方中和節百辟獻農書賦聖人清謚六合車書一家皇心協於天統節令徵為國華思播植以富人故農書是進建中和而照物俾淳風不遐是以四夷即叙九穀用嘉

諸司分宴

增舊唐書德宗紀貞元九年二月庚戌朔先是宰臣以三節次宴府縣有供帳之弊請以

宴錢分給各令諸司選勝宴會從之是日中和節宰相宴於曲江亭諸司隨便自是分宴焉

上春服

原舊唐書德宗紀中和節王公戚里上春服士庶以刀尺相問遺

賜尺

原唐書李泌傳泌請中和節因賜大臣戚里尺謂之裁度增裴度賜尺詩陽和行慶賜尺度為臣工

荷寵秉佳節傾心立大中短長思合製遠近貴攸同初
仰裁成德將酬分寸功作程施有用垂範播無窮願續
延洪壽干
春奉聖躬

獻生子

原唐書李泌傳中和節民間以青囊盛百穀瓜果種相問遺號為獻生子

宜春酒

原唐書李泌傳二月朔里閭釀宜春酒以祭勾芒神祈豐年

夢賜詩牋

增鄴侯家傳夜夢見賜御製中和節詩於金花牋上第二對首忘一字云茲中和節式慶

天地春及中和日百寮會曲江亭賜御製詩肇茲中和
云云其金花牋上花雲皆夢所見者奉詔同用春字唐
德宗詩韶年啟仲序初吉諧良辰肇茲中和節式慶天
地春歡酣朝野同生德區宇均雲開洒膏露草疏芳河
津歲華今載陽東作方肆勤
慚非薰風唱昌用慰吾人

製新樂詩

增玉海貞元十四年二月戊午上製新樂詩序曰仲春之首紀為令節象中和之容作中

和之舞

進單羅服

增乾淳歲時記二月一日中和節唐人最重今惟作假及進單羅御服百官服

徙石鼓

增元史仁宗紀皇慶元年二月朔徙大都路學所置周宣王石鼓於國子監

天正節

原道書二月一日為天正節

白居易二月一日詩

增園杏紅萼坼庭蘭紫芽出不覺春已深今朝二月一

初二日

孟子生

增孟譜孟子生時母夢神人乘雲自泰山來母凝視久之忽片雲墜而寤里巷皆見有五色雲

覆孟氏居按孟子生於周定王三十七年四月二日即今之二月二日也

進尺

原六典注中尚署令每歲二月二日進鏤牙尺及木畫紫檀尺

枸杞湯

增千金月令二月二日取枸杞煎湯晚沐令人光澤不老不病枕中記西河女子服枸杞法正

月上寅采根二月上卯治服之

柘木湯

增海上方柘木洗目令明二月初二日煎湯溫洗自寅至亥乃止

出齋

增白居易和夢得早春詩似訝隔年齋如勸遊春醉何日同宴遊心期二月二自註此日出齋故云

迎富

原歲華紀麗巢人乞子以得富注昔巢氏時二月二乞得人人子歸養之家便大富後人以此日出野

採蓬萊向門前以祭之云迎富圖經宕渠之地每歲二月二日郡人從太守出郊謂之迎富梧州容縣有迎富

欽定四庫全書



目錄卷六

亭亦以二月
二日為節

小遊江

增歲華紀麗譜二月二日踏青節初郡人遊賞散在四郊張公詠以為不若聚之為樂乃以是

日出萬里橋為綵舫數十艘與賓僚分乘之歌吹前導號小遊江蓋指浣花為大遊江也士女駢集觀者如堵晚宴於寶曆寺公為詩曰春遊千萬家美人顏如花三三兩兩映花立飄飄似欲乘烟霞後以為故事

曲江採菜

原秦中歲時記二月二日曲江採菜士民遊觀極盛

挑菜

增凍水記聞二月二日上幸後苑命後宮挑生菜乾溥歲時記二月二日宮中排辦挑菜御宴先是

預備朱綠花斛下以羅帛作小卷書品目於上繫以紅絲上植生菜薺花諸品俟宴酬樂作自中殿以次各以金篦挑之張耒二月二日挑菜節詩久將菰芥芼南羹佳節泥深人未行想見故園蔬甲好一畦春水輓轡聲

踏青節

原壺中贊錄蜀中風俗以二月二日為踏青節

觀競渡

增會稽志二月二日府帥領客觀競渡異時競渡有爭進攘奪之患自史魏公為帥雖設銀盃

綵帛不問勝負均以與之自是為例

兒童歌青梅聲調大抵如巴峽竹枝之類

開龍口

增會稽志二月二日始開西園縱郡人遊觀謂之開龍口謂卧龍山也

狄祠作社

增馬氏日抄昌平縣北狄梁公祠元大德中重建學士宋渤記之穹碑尚存常有光怪每

歲二月二日南山北山人皆來作社前數日夜碑上即有火光遠望碑字皆見近視之即滅

茵蔯餅

增羣芳譜淮揚人二月二日採野茵蔯苗和粉麵作餅食之以為節物滑浩詩青蒿兒纔發顙

二月二日春猶冷家家競作茵蔯餅茵蔯療病還療飢借問采蒿知不知

欽定四庫全書

卷六

辟蟲鼠

增五雜組北人二月二日皆以灰圍
室云辟虫蟻又以灰圍倉云辟鼠也

龍擡頭

原帝京景物略二月二日曰龍抬頭煎元旦
祭餘餅熏床炕曰熏虫兒謂引龍虫不出也

泗水神

增兗州府志泗水神廟在泗水縣東
五十里有司歲以二月二日致祭

上工日

增農政全書二月初二日東作興俗謂之上工
日田家催傭工之人此日乃執役之始故名曰

上工

花朝節

原翰墨大全二月二日
洛陽風俗以為花朝節

剔燈杖

增居家必用二月初二日或清明日五更不
語採薺菜梗陰乾作剔燈杖諸虫不入燈蓋

竹本命

增種樹書竹本命
日二月二日也

白居易二月二日詩

增二月二日新雨晴草芽菜甲一時生青衫細馬春年少十字津頭

一字行

李商隱二月二日詩

原二月二日江上行東風日暖聞吹笙花鬢柳眼各無賴紫蝶黃蜂

俱有情萬里憶歸元亮井三年從事亞夫營新灘莫悟遊人意更作風簷夜雨聲

黃滔二月二日宴中貽同年詩

增桂花五更聽榜後蓬山二月看花開垂名入

甲成龍去列姓如丁作鶴來

初三日

文昌帝君誕

原續文獻通考景泰五年勅賜文昌宮額歲以二月初三日為帝君誕生之辰遣官

致祭

蘇軾二月三日點燈會客詩

增江上東風浪接天苦寒無賴破春研試開雲夢羔

兒酒快瀉錢塘藥王船蠶市光陰非故國馬行燈火記當年冷烟濕雪梅花在留得新春作上元

范成大二月三日登樓詩

增百尺西樓十二欄日遲花影對人閑春風已入片時夢

寒食從今數日間

初四日

牧野誓師

增書時甲子昧爽王朝至於商郊牧野乃誓王左杖黃鉞右秉白旄以麾曰逖矣西土之

人蔡傳甲子二月四日也

賜高年帛

增宋史太宗紀淳化四年二月初四日壬戌召賜京城高年帛百歲者一人加賜塗金帶

是日雨雪大寒再遣中使賜孤老貧窮人千錢米炭

景雲河清

增玉海唐太宗貞觀十四年二月四日陝州黃河清景雲見協律郎張文收采古天馬作

歌之義作景雲河清賦

聖壽節

原五代會要後漢高祖劉知遠唐乾寧二年二月四日生以是日為聖壽節

徐鉉春分詩

增仲春初四日春色正中分綠野裴回月晴天斷續雲燕飛猶箇箇花落已紛紛思

婦高樓晚歌聲不可聞

初五日

改妖忌

增後漢書張奐傳奐拜武威太守其俗多妖忌凡二月五日產子及與父母同月生者悉殺之

奐示以義方嚴加賞罰風俗遂改百姓生為立祠

獲赤雁

增宋書符瑞志漢武帝太初三年二月五日行幸東海獲赤雁

萬僧會

增洛陽伽藍記平等寺永熙元年平陽王入纂大業造五層塔二年二月五日土木畢功帝率

百僚作萬僧會

續斜川遊

增朱子詩序正月五日欲用斜川故事結客載酒過百休新居風雨不果二月五日始克

踐約坐間以陶公卒章二十字分韻熹得中字賦呈諸同遊者詩今朝復何朝頓覺芳景融疇曩庶復踐隣曲歡來同伊雅一籃輿連翩數枝筇綠野生遠思清川照衰容遙瞻西山足窅兀彌畝宮庭宇豁清曠林園鬱青

蔥於馮一逍遙
芳樽間鳴桐

太上慶生齋

原遵生八牋二月五日修太上慶生齋

白居易二月五日花下作

原二月五日花如雪五十二人頭似霜聞有酒時須笑樂

不關身事

莫思量

初六日

利行師

增史纂左編陰陽家以二月六日利行師

齋沐

原雲笈七籤二月六日宜沐浴齋戒天祐其福

杜甫春水生詩

增二月六夜春水生門前小灘渾欲平
鷗鵲鵲鵲莫漫喜吾與汝曹俱眼明

程子二月六日送京醕上堯夫詩

增紅櫻零落杏花開
春物相催次第來莫

作林間獨醒客任
從花笑玉山頽

初七日

宴麟德殿

增舊唐書德宗紀貞元十四年二月壬子朔
戊午上御麟德殿宴文武百寮初奏破陣樂

編奏九部樂及宮中歌舞伎十數人列於庭先是上製
中和樂武曲是日奏之日晏方罷比詔二月一日中和
節晏以雨雪改用此日上又賦仲春麟德殿晏羣臣詩
八韻羣臣頒賜有差詩芳歲肇佳節物華當仲春乾坤
既昭泰烟景含氤氲德淺荷元貺樂成思治人前庭列
鐘鼓廣殿延羣臣八卦隨舞意五音轉曲新顧非咸池
奏庶協南風薰式宴禮所重決歡
情必均同和諒在茲萬國希可親

講無逸篇

增玉海元祐五年二月七日講
無逸篇畢詔詳錄講義以進

初八日

祠星

增隋書禮儀志陳制令太中署常以二月八日於
署庭中以太牢祠老人星兼祠天皇大帝太一日

月五星鈞陳北極北斗三台二十
八宿大人星子孫星都四十六座

行像

增佛國記摩竭提國年年常以建卯月八日行像
作四輪車縛竹作五層有承櫺握戟高二丈餘以

白氎纏上然後彩畫作諸天形像以金銀琉璃莊校其
上懸繒幡蓋四邊作龕皆有坐佛菩薩立侍此日境內

道俗皆集
華香供養

行城

原壽陽記梁陳典二月八日行城樂歌曰皎鏡壽
陽宮四面起香風樓形若飛鳳城勢似盤龍歲華

記麗註二月八日釋氏下生之日迦文成道之時信捨之家建八閼齋戒車輪寶蓋七變八會之燈平旦執香

花繞城一匝

謂之行城

釋迦佛生

增遼史禮志二月八日為希達太子生辰京府及諸州雕木為像儀仗百戲導從循城為

樂希達太子者西城淨梵王子姓瞿曇氏名釋迦牟尼以其覺性稱之曰佛普耀經佛初生剎利王家放大智光明照十方世界地湧金蓮花自然捧雙足東西及南北各行於七步分手指天地作師子吼聲上下及四維無能尊我者即周昭王二十四年甲寅歲四月八日也元樞經八日佛生周以甲子為正月四月八日牟尼佛

生是今二月八日也

張王生辰

原乾淳歲時記二月八日為桐川張王生辰霍山行宮朝拜極盛百戲競集增田家五行

二月八日張大帝生日前後必有風雨極準俗謂請客風送客雨正日謂之洗街雨初十日謂之洗厨雨

洗眼

增龍木論洗青盲眼二月八日用桑柴炭一合煎湯沃之於甕器中澄取極清稍熱洗之如冷即重

湯頓溫不住手洗久
久視物如鷹鵠也

像現荊州

增法苑珠林東晉穆帝永和六年二月八日夜有像現於荊州城北長七尺五寸合光跌

高一丈一尺皆莫測其所從初廣州商客下載中夜覺有人來奔船驚共尋視了無所見而船載自重雖駭其異而不測也及達渚宮纔泊水次夜復覺人自然登岸船載還輕及像現方知其兆

六祖受戒

增傳燈錄印宗告四衆曰肉身菩薩即坐下盧居士是也因請出所傳信衣悉令瞻禮至

正月十五日會諸名德為之剃髮二月八日就法性寺智光律師受滿分戒明年二月八日忽謂衆曰吾不願

此居要歸舊隱時印宗與緇
白千餘人送師歸寶林寺

芳春節

原道經二月八日為芳春節五晨大道君登玉
霄琳房四盼天下遵生八牋二月八日宜修芳

齋

沐浴

原雲笈七籤二月八日
黃昏時沐浴令人輕健

曾鞏二月八日北城閑步詩

增土膏初動麥苗青飽食
城頭信意行便起高亭臨

北渚欲乘長

日勸春耕

初九日

治泰山道

增漢官儀建武三十二年二月九日車駕到
魯遣守謁者郭堅將徒五百人治泰山道

經筵進故事

增玉海端平元年二月九日詔侍從經筵官進故事

初十日

上壽受賜

增漢官儀車駕正月發維陽宮二月到魯十日魯遣宗室諸劉及孔氏瑕丘丁氏上壽受

賜皆詣孔子宅賜酒肉

旬假休沐

增事物紀原唐永徽三年二月十日以天下無虞百司務簡每至旬假許不視事以寬百

寮休沐

進士覆試

增玉海乾德五年二月十日知制誥盧多遜權知貢舉進士劉蒙叟以下十人詔參政薛

居正於中書覆試皆合格賜第

次定四事

御定月令輯要

十一日

幸南莊

增唐詩紀事景龍三年二月十一日幸太平公主南莊李嶠應制主家山第接雲開天子春遊

動地來羽騎參差花外轉霓旌搖曳日遄回還將石溜調琴曲更取峯霞入酒杯鸞輅已辭烏鵲渚簫聲猶繞

鳳凰臺

賜繡韉

增玉海天聖七年二月十一日詔學士晏殊中謝日賜繡韉以嘗預机密故也

藉田陪位

增玉海明道二年二月十一日行藉田禮貢舉人自請陪位許父老縱觀勿令呵止

御閣誦讀

增玉海熙寧元年二月十一日御閣名王珪范鎮司馬光呂公著吳申周孟陽誦禮記讀

史記資治通鑑

十二日

造明堂

增唐會要乾封三年二月十二日詔造明堂於是改元總章置明堂縣

垂拱殿進書

增宋史禮志淳祐五年二月十二日進孝宗光宗兩朝御集寧宗寔錄及理宗玉牒

日歷其日皇帝御垂拱殿宰執以下奉迎諸書至和各門入殿下東西向立皇帝即御坐先知閣門官以下各班起居如常儀

撲蝶會

原誠齋詩話東京二月十二日曰花朝為撲蝶會

鳳麟榜

增周伯琦紀事詩注至正十一年二月十二日禮闈揭榜傳宣張宴各賜衣幣榜魁李國鳳趙

麟號鳳

麟榜

會試鎖院

增七修類稿宋朝科制以二月十二日會試鎖院

浴蠶

增農政全書二月十二日浴蠶以菜花野菜花韭菜花桃花白豆花揉之水中而浴之

百花生日

增陶朱公書二月十二為百花生日無雨百花熟

十三日

宴射賦詩

增玉海淳化元年二月十三日詔近臣後苑宴射賦詩

禮部選士

增玉海開元二十四年二月十三日明皇移貢舉於禮部以侍郎主之禮部選士自此始

祠青帝

增玉海紹興十七年二月十三日上親祠青帝於東郊以伏羲高辛配祠簡狄姜嫄於壇下

十四日

始殿試

增事物紀原唐載初元年二月十四日武后策問舉人於洛城殿殿前試人自此始

賜新羅書

增玉海垂拱二年二月十四日新羅王金政明遣使請唐禮并雜文章令所司寫吉山要

禮并於文館詞林采其詞涉規戒者勒成五十卷賜之

十五日

觀祭山壇

增封禪儀記車駕東巡狩二月十五日始齋某等七十人先之山虞觀祭山壇

釋迦涅槃

增隋書經籍志釋迦在世教化四十九年乃至天龍人鬼並來聽法弟子得道以百千萬

億數然後於拘尸那城娑羅雙樹間以二月十五日入般涅槃涅槃亦言泥洹譯曰滅度亦言常樂我淨

勤政樓讌

增舊唐書明皇紀開元二十八年春正月以望日御勤政樓讌羣臣樓下連夜燒燈會大

雪而罷因命自今常以二月望日夜為之

降聖節

增舊唐書武宗紀敕二月十五日玄元皇帝降生宜為降聖節休假一日原宋史禮志政和三

年以二月十五日太上混元上德皇帝降聖日為貞元節

涅槃兜

增食譜張手美家二月十五日涅槃兜

花朝勸農

原風土記二月十五日為花朝浙湖風俗言春序正中百花競發乃遊賞之時宋條制守

土官於花朝日出郊勸農陶朱公書十五日為勸農日晴和主年豐風雨則歲歉

蠶市

增蘇轍詩序眉之二月望日鬻蠶器於市因作樂縱觀謂之蠶市蘇軾和子由蠶市詩蜀人衣食常

苦艱蜀人遊樂不知還千人耕種萬人食一年辛苦春閑閑時尚以蠶為市共忘辛苦逐欣歡去年霜降斫

秋荻今年箔積如連山破歌為輪土為釜爭買不啻金
與紉憶昔與子皆童壯年年廢書走市觀市人爭誇聞
巧智野人啗啞遭欺謾詩來使我感舊事不悲去國悲
流年原方興勝覽成都古蠶叢之國其民重蠶事故一
歲之中二月望日鬻花木
蠶器號蠶市在大慈寺前

燃燈

增宋史外國傳高麗國二月十
五日僧俗燃燈如中國上元節

燕口洞開

增樂史總仙記淳化元年昇州奏二月十五
日夜忽有雷聲茅山燕口洞宮石開二尺裏

面得銅鐵錢

三十一文

白傘蓋佛事

增元史祭祀志世祖至元七年以帝師帕
克巴之言於大明殿御座上置白傘蓋一

頂用素段泥金書梵字於其上謂鎮伏邪魔護安國刹
自後每歲二月十五日於大殿啟建白傘蓋佛事用諸

色儀仗直迎引傘蓋周遊皇城內
外云與衆生袪除不祥導迎福祉

貞元節

增續夷堅志忻州九龍岡上天慶觀老君殿尊像極高云是神人所塑每歲二月十五日道家

號貞元節是日有鶴來會多至數十少亦不絕一二翔舞壇殿之上良久乃去元好問二月十五日鶴詩九龍

岡上玄元祠人言尊像神所遺年
年二月降靈鶴來無定數有定期

徐凝二月望日詩

增長短一年相似夜中秋未必勝中
春不寒不暖看明月况是從來少睡

人

十六日

長春節

原宋史禮志建隆元年羣臣請以二月十六日
為長春節請立長春節表軒帝生於壽丘發統

樞之異夏禹誕於石紐流貫昴之祥莫不炳煥靈符延
長寶歷諒惟聖德允協昌符稟天地之英挺龍鳳之表
請以二月十六
日為長春節

香孩兒營

原長編唐明宗丁亥二月十六日宋太祖生
於洛陽夾馬營是夕神光照室胞如齒齶異

香馥郁人因號其
地為香孩兒營

九天使者降

增陽琦潛山記開元九年二月十五夜帝
寢靈符殿夢來日九天使者降至午見雲

端仙仗甚盛神曰吾為九天使者受玉帝命隨運采訪
九天司命真君憇舒州潛山吾憇江州廬山九天丈人
憇蜀郡青城山可各為立祠乃遣舒州為建祠卜地頃
見二白鹿出岡頂遂於其地立九天神司命祠此真源宮
也之始

觀織室

增宋會要太平興國三年二月十六日太宗幸西陵錦院命近臣縱觀織室機杼

賜百福酒

增玉海明道二年二月十六日賜百福酒

黃姑浸種

增談薈二月十六日謂之黃姑浸種日西南風主大旱

十七日

常侍登牀

增唐會要貞觀十八年二月十七日辛酉召三品以上賜宴於元武門太宗操筆作飛白

書羣臣秉酒就太宗手中相競散騎常侍劉洎登床引手然後得之其不得者咸稱洎登床罪當死太宗笑曰

昔聞婕妤辭輦今見常侍登床

觀酺賜飲

增宋史禮志真宗景德四年二月甲申上御五鳳樓觀酺宗室近臣侍坐樓前露臺奏教

坊樂名父老五百人列坐賜飲
於樓下按玉海二月十七日

十八日

上理道要訣

增玉海杜佑修纂通典成二百卷先已奉
進更於二百卷中纂成十卷目曰理道要

訣凡三十三篇詳古今之要酌時宜
可行貞元十九年二月十八日上

書肆移市

增經籍會通燕中書肆多在大明門之右及
禮部門外拱宸門西花朝後三日則移於燈

市每朔望并下浣五
日則移於城隍廟中

十九日

雲氣成宮闕

增漢官儀光武帝建武三十二年東巡狩
二月九日到魯十二日宿奉高十五日始

齊十九日之山虞國家居亭百官布
野此日上山雲氣成宮闕百姓皆見

建石經閣

增宋會要淳熙四年二月十九日孝
宗詔建石經閣於國子監上親題額

觀音生辰

原藏經二月十九日觀音生辰增陶朱公書
十九日觀音生日晴主好雨則諸物少收

三鄉題壁

原彤管遺編若耶溪女題三鄉詩序時會昌
壬戌仲春十九日二九子為父後玉無瑕弁

無首荆山石往往有題隱名不書後
李舒解之曰當是姓李名弄玉也

詠維摩

增法苑珠林永明七年二月十九日司徒竟陵
文宣王夢於佛前詠維摩一契因聲發而寤即

起至佛堂前還如夢中法更詠古維摩一契便
覺聲韻流好明旦即集沙門僧辯等次第作聲

蘇軾二月十九日携白酒鱸魚過簷使君食槐葉冷淘

詩增枇杷已熟燦金珠桑落初嘗澁玉蛆暫借垂蓮十
分分蓋一澆空腹五車書青浮卵椀槐芽餅紅點永盤
藿葉魚醉飽高眠真樂
事此生有味在三餘

二十日

南郊合祭

增唐會要天慶元年二月
二十日合祭天地於南郊

蘇子由生

增蘇軾十八羅漢頌跋於海南得十八羅漢
像以授子由弟使以時修敬遇生日輒設供

以祈年集福并以前所作頌
寄之子由以二月二十日生

小分龍日

增談薈二月二十日謂之小分龍
日晴分嬾龍主旱雨分健龍主水

修真

增雲笈七籤二月
二十日宜修真道

二十一日

宴桃園

增唐詩紀事景龍四年二月二十一日張仁
亶至自朔方宴於桃園賦七言詩李嶠應

制歲去無言忽顚顚時來含笑吐氛氲
不能擁路迷仙客故欲開蹊待聖君

邇英進誨

增玉海元祐四年二月二十一日邇英殿
誨尚書侍誨司馬康誨洪範又用三德

二十二日

祭天

增後漢書祭祀志建武三十二年二月二十二日
辛卯晨燎祭天於泰山下南方羣神皆從用樂如

郊南

嘉會節

原舊唐書昭宗紀以咸通八年二月二十二日
生於東內又中書奏請以二月二十二日為嘉

會節

從之

祀后土

增唐會要開元十二年二月二十二日祠后土汾陰睢上太史奏榮光出河休氣四塞祥風繞

壇日揚其光

祭馬神

增同政要覽太僕寺每年祭馬神在通州北四里安德鄉鄭村壩春祭在二月二十二日前

期題請遣少卿一員行禮

李商隱木蘭詩

增二月二十二日木蘭開圻初紫絲何日障油壁幾時車弄粉知傷重調紅或有

餘波痕空暎襪煙態不勝裾桂嶺含芳遠蓮塘屬意疎瑤姬與神女長短定何如

二十三日

觀西閣畫圖

增玉海慶歷四年二月二十三日丙辰帝御崇政殿西閣閣中四壁各張畫圖載前

代帝王美惡之跡可為規戒者命兩府臣僚入閣觀之

泉涌佛像

增法苑珠林梁安國寺在秣陵縣都鄉同下里寺有金銅像一軀以永明九年起造時失

去天監六年二月八日房主藥王尼所住床前時時有光照屋至二十三日於光處忽有泉湧見此像隨水而出遠近駭觀泉既不竭乃累磚為井井猶存焉

二十四日

三公行陵

增通典顯慶五年二月二十四日高宗以每

年三時太常少卿分行二陵事重人輕又不
脩鹵簿威儀有闕乃詔三公行陵事太常卿少卿
為副太常造鹵簿事畢則納於本司仍著於令

觀稼

增王海淳化五年二月二十四日駕幸南御莊觀稼因幸玉津園習射張樂賜從官飲

張九成二月二十四日即事詩

增春來尋勝事此興亦何窮夜雨亂江淥朝花

退日紅雷聲驚崩北雲氣漲溪東蓑笠衝泥去誰知與我同

二十五日

禪祭梁陰

增後漢書祭祀志建武三十二年二月二十五日甲午禪祭地於梁陰漢官儀二十五日

禪祭於梁陰以高帝配天高后配地

聖嗣封侯

增王海崇寧元年二月二十五日封孔鯉為泗水侯及沂水侯

天倉開

原遵生八牋二月二十五天倉開日宜坐園入山修道

二十六日

望仙亭酺宴

增玉海祥符四年二月二十六日丙戌次華州頓賜酺於行宮南垣之望仙亭賜亭

名曰宣澤

加封中嶽

增事物紀原宋真宗祥符四年二月二十六日詔加中嶽中天王為崇聖中天王

二十七日

宴玉宸殿

增玉海大中祥符九年二月二十七日召近臣於後苑翔鸞閣觀太宗御書及御製聖文

神筆頌玉宸殿記等遂宴於玉宸殿殿在苑中密爾宮禁帝優寵輔臣每大禮慶成從容一名至兩制皆預蓋

特恩也

權德輿二月二十七日社兼春分端居有懷詩

增清晝開簾生

風光處處生看花詩思發對酒客愁輕社日雙飛燕春分百轉鶯所思終不見還是一含情

二十八日

圖畫凌煙

增唐會要貞觀十七年二月二十八日詔曰自古帝王褒崇勲德既勒銘於鐘鼎又圖形

於丹青是以甘露良佐麟閣著其美建武功臣雲臺紀其績無忌等二十四人宜酌故寔并圖畫凌煙庶念功之懷無謝於前載旌賢之義永貽於後昆

題石門洞

增武元衡詩序元和癸巳余領蜀之七年奉詔徵還二月二十八日清明途經百牢關因

題石門洞詩昔佩兵符去今持相印還天光臨井絡春物度巴山鳥道青冥外風泉洞壑閒何慙班定遠辛苦

玉門

閩

李德雨

增李德裕兩朝獻替記太和七年二月二十八日蒙恩守本官平章事去冬今春久無雨雪是

日甘澤沛然樞密使謂予曰禁中喜此官人呼相公下一字訛音李德雨矣

天和節

增揮塵前錄晉高祖二月二十八日生為天和節

二十九日

天妃昇化

增東西洋考天妃世居莆之湄洲嶼五代時閩都巡檢林愿第六女生於太平興國四年

以景德三年二月二十九日昇化厥後常衣朱衣飛翻海上里人祠之

三十日

賞花釣魚

增宋史禮志咸平二年二月晦賞花宴於後苑帝作中春賞花釣魚詩儒臣皆賦遂射於

水殿盡歡而罷

祠袁雙

增異苑晉丹陽縣有袁雙廟真第四子也真為桓宣武誅便失所在靈恠太元中形見於丹陽

求立廟未就功大有虎患被害之家輒夢雙至催功甚急百姓立祠堂於是猛暴用息今道俗常以二月晦鼓舞祈祠爾日

常風雨忽至

御製二月三十日親統六軍徂征漠北詩維天盡所覆眷

命畀我清自予蒞鴻祚恒願銷甲兵狡焉窺北疆屬國

橫相櫻夙昔張撻伐凶醜皆顛傾赦之釋不誅開網全

其生怙終恣跳梁邊鄙搖羣情皇皇仁義師聲討必有
名春雪灑貝冑朔風捲龍旌睠茲軀虎士金革勞遠征
於鑠振我武赫赫揚天聲

紫微歌

增雲笈七籤紫微夫人降楊羲之家二月三十日吟一章曰褰裳涉淥河遂見扶桑公高會太

林墟賞宴元華宮信道荀淳篤何不棲東峯此亦叙方諸東華之勝也

白居易神照禪師二月三十日同宿詩

增八年二月晦山梨花滿枝龍

門水西寺夜與遠公期宴坐自相對密語誰能知前後際斷處一念不生時

賈島二月晦日留別鄴中友人詩

增立馬柳花裏別君當酒酣春風漸向北

雲雁不飛南明曉日初一今年月
又三鞭羸去暮色遠嶽起煙嵐

蘇軾和子由寒食詩

增寒食今年二月晦樹林深翠已

意盡便但挂酒壺那計盞偶拈詩句不須
編忽聞啼鵲驚羈旅江上何人治廢田

政典

命羲仲

原書分命羲仲宅嵎夷曰暘谷傳宅居也東表
之地稱嵎夷暘明也日出於谷而天下明故稱

暘谷羲仲居
治東方之官

東作

原書平秩東作傳歲起於東而始就耕謂之東
作東方之官平均次序東方之事以務農也

東巡狩

原書歲二月東巡狩至於岱宗柴望秩于山川
肆覲東后五王三帛二生一死贊協時月正日

同律度量衡修五
禮如五器卒乃復

薦永

增詩豳風七月篇注二月四陽作蟄虫起陽始用
事始起永而廟薦之宋史禮志景祐三年禮官宗

正條定以每歲
仲春月薦永

青陽大廟

原禮天子居青陽大廟注
青陽大廟東堂當大室

助生氣

原禮是月也安萌芽養幼
少存諸孤注助生氣也

止獄刑

原禮命有司省圜圜去桎梏毋肆掠止獄訟疏
此論止其獄刑呂氏春秋夾鍾之月寬裕和平

行德去刑無或
作事以害羣生

祠高禘

原禮是月也元鳥至至之日以大牢祠於高禘
天子親往后妃率九嬪御乃禮天子所御帶以

弓韞授以弓矢於高禘之前注元鳥燕也燕以施生時
來巢人堂宇而孚乳娶嫁之象也媒氏之官以為候高
辛氏之世元鳥遺卵娥簡吞之而生契後王以為媒官
嘉祥而立其祠焉變媒言禘神之也帶以弓韞授以弓
矢求男之祥也增後漢書禮儀志仲春之月立高禘祠
於城南祀以特牲宋史祀高禘樂章審此尊祀寔維仲
春青圭束帛克祀克禋庶蒙嘉惠
嗣續詵詵神之降鑒雲車來臻

平物

原禮日夜分則同量度鈞衡石角斗角正權概疏
度量鈞衡之等人之所用當須平均人君於晝夜

分等之時而平
正此當平之物

修闔扇

原禮是月也耕者少舍乃修闔扇寢廟畢備注
舍猶止也因蟄虫啟戶耕事少閒而治門戶也

用木曰闔用竹葦曰扇
凡廟前曰闔後曰寢

禁令

原禮母作大事以妨農之事又母竭川澤母漉陂池毋焚山林

開水

原禮天子乃鮮羔開水先薦寢廟注鮮當為獻

之增周禮天官凌人春始治鑑注鑑如甄大口以盛水置食物於中以禦溫氣春而始治之為二月將獻羔而

啟水

上丁釋菜

原禮上丁命樂正習舞釋菜注樂正樂官之長也命習舞者順萬物始出地鼓舞也將舞

必釋菜於先師以禮之

仲丁習樂

原禮仲丁又命樂正入學習樂注為季春將習合樂也習樂者習歌與八音

始蠶

原周禮天官內宰仲春詔后帥外內命婦始蠶於北郊以為祭服注蠶於北郊婦人以純陰為尊郊

必有公桑
蠶室焉

逆暑

原周禮春官籥章中春晝擊土鼓歛幽詩以
逆暑疏中春晝夜等已後漸暄故預迎之耳

振旅

原周禮夏官大司馬中春教振旅司馬以旂致民
平列陳如戰之陳注凡師出曰治兵入曰振旅皆

習戰也四時各教民以其一焉
春習振旅兵入收衆專於農

養國老

原周禮夏官羅氏中春羅春鳥獻鳩以養國老
行羽物注春鳥鵲而始出者是時鷹化為鳩鳩

與春鳥變舊為新宜以
養老助生氣行謂賦賜

獻弓弩

增周禮夏官司弓矢中春
獻弓弩注弓弩成於和

浴蠶種

增周禮夏官馬質疏蠶書蠶為龍精月
值大火則浴其種謂二月則浴其種也

欽定四庫全書

御定四庫全書

卷六

修火禁

原周禮秋官司烜氏中春以木鐸修火禁於國中注為季春將出火也火禁謂用火之處及備

燥風

入學用萬

原夏小正丁亥萬用入學傳萬千戚舞也增竹書帝舜十七年春二月入學初用萬

祭鮪

原夏小正祭鮪傳祭不必記記鮪何也鮪之時至有美物也鮪者魚之先至者也而其至有時謹記

其時

奏咸池

增呂氏春秋黃帝命伶倫與榮將鑄十二鍾以和五音以施英韶以仲春之月乙卯之日日在

奎始奏之命曰咸池

置三老

增漢書高帝紀二年二月舉民年五十以上有修行能帥眾為善置以為三老鄉一人擇鄉三

老一人為縣三老與縣令丞尉以事相教復勿繇戍

賜復

增漢書高帝紀二年二月癸未施恩德賜民爵蜀漢民給軍事勞苦復勿租稅二歲閏中卒從軍者

復家一歲又武帝紀建元元年春二月赦天下賜民爵一級年八十復二筭九十復甲卒注二筭復二口之筭

復甲卒不豫革車之賦

神爵詔條

增漢書宣帝紀神爵四年春二月詔曰迺者鳳皇甘露降集京師嘉瑞並見修興泰一五

帝后土之祠祈為百姓蒙祉福鸞鳳萬舉蜚覽翺翔集止於旁齋戒之暮神光顯著薦鬯之夕神光交錯或降於天或登於地或從四方來集於壇上帝嘉嚮海內承福其赦天下賜民爵一級女子百戶牛酒鰥寡孤獨高

帛年

欽定四庫全書

卷六

官倉

原淮南子二月官倉注
二月播種故官倉也

親問百年

增孔叢子古者天子歲二月東巡狩所過諸
侯各待於境天子先問百年者所在而親問

之然後覲方

岳之諸侯

得時雨

增後漢書明帝紀永平四年春二月辛亥詔曰
朕親耕藉田以祈農事京師冬無宿雪春不燠

沐煩勞羣司積精禱求而比再得時雨宿麥潤
澤其賜公卿牛奉有司勉遵時政務平刑罰

增修羣祀

增後漢書章帝紀元和二年二月詔曰今山
川鬼神應典禮者尚未咸秩其議增修羣祀

以祈
豐年

宗祀五帝

增後漢書章帝紀元和二年二月東
巡狩壬申宗祀五帝於汶上明堂

給糧種

增後漢書章帝紀元和三年二月壬寅告常山魏郡清河鉅鹿平原東平郡太守相曰月令孟

春善相丘陵土地所宜今肥田尚多未有墾闢其悉以賦貧民給與糧種務盡地方

賜穀

增後漢書安帝紀元初六年春二月乙卯詔曰月令仲春養幼小存諸孤季春賜貧窮賑乏絕省婦

使表貞女所以順陽氣崇生長也其賜民尤貧困孤弱單獨穀人三斛貞婦有節義十斛甄表門閭旌顯厥行

勞賜郡縣

增後漢書安帝紀延光三年春二月東巡狩勞賜郡縣作樂

行四分歷

增後漢書律歷志元和二年二月甲寅下詔曰古先聖王先天而天不違後天而奉天時

史官用太初鄧平術冬至之日日在斗二十二度而歷以為牽牛中星先立春一日則四分數之立春日也以

折獄斷大刑於氣已迂用望平和蓋亦遠矣今改行四分以遵於堯以順孔聖奉天之文

受璽

增晉書元帝紀太興四年二月鮮卑末波奉送皇帝信璽庚戌告於太廟乃受之

封孤竹國

增帝王世紀成湯十有八祀乙未二月丙寅王至東郊論諸侯功臣之後封墨台氏孤竹

國

河洛壇

增宋書符瑞志堯在帝位七十年潔齋修壇場於河雒二月辛丑昧明禮備至於日昃榮光出

河休氣四塞乃有龍馬銜甲赤文綠色臨壇而止吐甲圖而去又後二年二月仲辛率羣臣沈璧於洛禮畢退俟至於下昃赤光起元龜負書而出背甲赤文成字止於壇原庾信馬射賦堯以仲春之月刻玉而遊河

賜爵勞酒

增南史梁武帝紀普通四年二月乙亥耕藉田孝弟力田賜爵一級預耕之司尅日勞酒

養老禮

增隋書禮儀志後齊仲春令辰陳養老禮先一日三老五更齋於國學皇帝至璧雍入總章堂

列宮懸王公以下及國老庶老各定位司徒以羽儀虎賁安車迎三老五更於國學三老至門五更去門十步則降車以入升自右階就筵進珍羞酒食又設酒醢於國老庶老三老乃論五孝六順典訓大綱禮畢而還又都下及外州人年七十已上賜鳩杖黃帽

祭馬祖

原隋書禮儀志隋制常以仲春用少牢祭馬祖於大澤

巡郡縣

增隋書百官志司隸臺大夫一人掌諸巡察每年二月乘輅巡郡縣

置律學

增舊唐書太宗紀貞觀六年二月戊子初置律學

兆人本業

增舊唐書文宗紀太和二年二月庚戌勅李絳所進刪定兆人本業三卷宜令所在州縣

寫本散

配鄉村

次定四庫全書

御定月令輯要

三

祭歷代帝王

增舊唐書禮儀志以仲春之月祭唐堯於平陽祭虞舜於河東祭夏禹於安邑祭殷

湯於偃師祭周文王於鄴祭武王於鎬

給春衣

原舊唐書柳公權傳公權從幸未央宮苑中駐輦謂公權曰我有一喜事邊上衣賜久不及時

今年二月給春衣訖公權前奉賀上曰單賀未了可賀我以詩宮人迫其口進公權應聲曰去歲雖無戰今年未得歸皇恩何以報春日得春衣上悅激賞久之

祖道洛濱

增唐書許景先傳開元十三年二月帝自擇刺史凡十一人詔宰相諸王御史以上祖道

洛濱盛供具奏太常樂帛舫水嬉賜詩十韻帝親書且給筆紙令自賦齎絹三千遣之

興慶宮酺宴

增唐明皇春中興慶宮酺宴詩序心融萬類歸雷雨之先春慶洽百僚象雲天而高

宴歲二月地三秦水泛泛而龍池滿日遲遲而鳳樓曙
青門左右軒庭映梅柳之春紫陌東西帝幕動烟霞之
色詩九達長安道三陽別館春還將聽朝暇回作豫遊
辰不戰要荒服無刑禮樂新合酺覃土宇歡宴接羣臣
玉墀飛千日瓊筵薦八珍舞衣雲曳影歌扇月開輪
伐鼓魚龍雜撞鐘角觝陳曲終酣興晚須有醉歸人
祭龍池增唐會要開元十六年築龍池壇於興慶宮以仲春月祭之

進瓜原王建詩酒幔高樓一百家宮前楊柳寺前花內園分得溫湯水二月中旬已進瓜按唐書溫泉湯

監凡近湯所潤瓜蔬先時而熟者以薦陵廟

食麥原演繁露仲春之月天子食麥而朝事之籩煮麥為麴

教池增事物紀原李氏三秦記曰昆明池漢武帝立之習水戰宋建隆間即都城之南鑿講武池始習水

戰將有事於江南也及太宗興國中得吳越錢氏龍舟七年疏國城西開金明池於是每歲二月教池遂為故事

祀先農

增續文獻通考元武宗至大三年命祀先農樂用登歌日用仲春上丁或用上辛或甲日

祭先蠶

原續文獻通考先蠶氏之祭嘉靖中始行以歲仲春擇日皇后祭公主內外命婦陪祭

民用

民析

原書厥民析傳冬寒無事並入室處春事既起丁壯就功其民老壯分析

采蘋

增詩言采其蘋書仲春采蘋之時也齊民要術蘋初生似蒜莖紫黑色二月中高八九寸老有葉淪

為茹滑美如葵

舉趾

原詩四之日舉趾疏四之日夏之二月建卯之月也

婚月

增詩野有蔓艸疏蔓草生而有露謂仲春時也民思此時而會者為此時是婚月

媒月

增詩野有蔓草箋周禮仲春會男女疏仲春為媒月

會男女

原周禮地官媒氏中春之月令會男女注中春陰陽交以成昏禮順天時也

不筮月

增儀禮士冠禮疏不筮月者夏小正云二月綏多士女冠子娶妻時也既有常月故不筮也

耋忝

原夏小正二月往耋忝禪傳禪單也

采蘩

原夏小正采蘩傳蘩由胡由胡者蘩也皆豆寔也故記之

剥鮮

原夏小正剥鮮傳剥鮮以為鼓也

獲禾

原白虎通仲春獲禾報社祭稷以三牲何重功故也

離腰

原說文腰楚俗以二月祭飲食也一曰祈穀食新曰離腰

釁潔

原風俗通周禮女巫巫掌歲時以祓除釁浴禊者潔也春者蠹也蠹蠹搖動也尚書以殷仲春厥民析

言人解療生疾之時故於水上釁潔之也

陰凍畢澤

原四民月令二月陰凍畢澤可蓄美田緩土及河渚水處

種麻子

增記勝之書種麻子二月下旬傍雨種之麻生布葉鋤之以蠶矢糞之天旱以流水澆之無流

水曝井水殺其寒氣以澆之如此美田則畝五十石及百石薄田尚三十石

薦笋

增范汪祠制仲春薦竹笋

雞侯菜

增廣州記雞侯菜生嶺南似艾
二月生苗宜雞羹食之故名

種大豆

增齊民要術二月昏參夕杏花
盛桑椹赤可種大豆謂之上時

北土耕種

增齊民要術北土高原本無陂澤隨逐隈曲
而田者二月永解地乾燒而耕之仍即下水

十日塊既散液持木斫平之
納種既生七八寸拔而栽之

種灰瓠

增齊民要術家政法
曰二月可種灰瓠

種茄子

增齊民要術種茄子法茄子熟時摘取擘破水
淘之取沉者速曝乾裏置至二月畦種著四五

葉雨時合
泥移栽之

種芋

增齊民要術種芋法宜擇肥緩土近水處和柔糞
之二月注雨可種芋率二尺下一本芋生根欲深

斷其旁以緩其土旱則澆之有草鋤之不厭數多治芋如此其收常倍

蓑荷

增齊民要術蓑荷宜在樹陰下二月種之一種永生亦不須鋤微加糞

上壬泥屋

原齊民要術二月上壬取土泥屋四角宜蠶吉

榆醬

增齊民要術二月榆莢成及青收乾以為膏蓄色變白將落可作醬醢隨節早晏勿失其適注醬音

牟醢音頭榆醬

法酒方

增齊民要術法酒方焦麥麴末一石曝令乾煎湯一石黍一石合糅令甚熟以二月二日收水

即預煎湯傳之令冷初醢之時十日一醢不得使狗鼠近之後或八日六日一醢會以偶日醢之不得隻日二月中節醢令足常預煎湯傳之醢畢以五升洗手蕩其米多少依焦麴殺之

浣冬衣

增齊民要術二月命縫人浣冬衣徹復為袷其有羸帛遂供秋服

莧蒿

增齊民要術詩曰菁菁者莧蘿蒿也義疏云莧蒿生澤田二月中生莖葉可食又可蒸香味頗似萆

蒿

百合

原名醫別錄百合生荊州山谷二月采根陰乾

麝香

增名醫別錄麝生中臺山谷及益州雍州山中春分取香生者益良

桑螵蛸

增名醫別錄桑螵蛸生桑枝上螳螂子也二月采蒸過火炙用

宜食韭

原千金月令二月宜食韭大益人心

波斯棗

原酉陽雜俎波斯棗出波斯國長三四丈圍五六尺葉似土藤不凋二月生花狀如蕉花有兩

甲漸漸開罇中有十餘房子長二寸黃白色
有核熟則紫黑狀類乾棗味甘如飴可食

安息香

原西陽雜俎安息香樹出波斯國呼為辟邪樹
長二三丈二月開花黃色花心微碧不結寔

蒙頂茶

增茶譜蒙山有五頂上有茶園蒙之中頂茶當
以春分之先後多聚人力俟雷發聲併手采擇

三日而止

甘藷

增異物志甘藷出交廣
南方民家以二月種

菖蒲

增日華本草菖蒲石澗所生堅小
一寸九節者上出宣州二月采

眼桃杏花

原衛生易簡方婦人無子二月丁亥日取杏
花桃花陰乾為末戊子日和井華水服方寸

七日
三服

白榆

增圖經本草白榆先生葉却著英皮白色二月剥皮刮去粗殼中極滑白荒歲農人取皮為粉食之

當糧不損人

蠶豆

增本草綱目蠶豆二月開花如蛾狀紫白色又如豇豆花結角連綴如大豆頗似蠶形蜀人收其子

以備荒歉

扁豆

增本草綱目扁豆二月下種蔓生延纏葉大如盃團而有尖其花狀如小蛾有翅尾形如英嫩時可

充蔬食茶料老則收子煮食

珊瑚菜

增本草綱目江淮所產多是石防風生於山石之間二月采嫩苗作菜辛甘而香呼為珊瑚菜

馬蘭

原本草綱目馬蘭湖澤卑濕處甚多二月生苗赤莖白根長葉有刺齒南人多采為曬乾為蔬及饅

餚

卷六

萋蒿

原本草綱目萋蒿生陂澤中二月發白葉似嫩艾而岐細面青背白其莖或赤或白其根白脆采其

根莖生熟菹曝皆可食

白桐

增本草綱目白桐即泡桐也其木輕虛不生蟲蛀作器物屋柱甚良二月開花如牽牛花而白色結

寔大如巨棗長寸餘殼內有子片輕虛如榆英寔之狀

椰子

增本草綱目椰子乃果中之大者其樹初栽時用鹽置根下則易發木似桄榔榔之屬通身無枝

其葉在木頂長四五尺直聳指天狀如棕櫚勢如鳳毛二月開花成穗出於葉間長二三尺大如五斗器仍連

著寔一穗數枚

驚蟄茶

原試茶錄建溪茶比他郡最先北苑壑源者尤早歲多暖則先驚蟄十日即芽歲多寒則後驚

蟄五日始發先芽者氣味俱不佳惟過驚蟄者最為第一民間常以驚蟄為候

黃精果

原山家清供黃精果仲春深采根九蒸九暴搗如飴可作果食又細切水煮去苦味漉入絹袋

壓汁澄之再煎如膏以黃米作餅又采苗可為菜茹

供王瓜

增學圃雜疏王瓜出燕京者實佳其地人種之火室中逼出花葉二月初即結小寔中官取以

供上

食忌

增白雲雜記二月勿食蓼傷腎梅師方二月勿食梨

沐髮

原四時纂要二月上卯日沐髮愈疾

欽定四庫全書

街定月令輯要

三九

種黃精

增四時類要二月擇取葉相對生者是真黃精擘根長二寸許稀種之一年之後甚稠

種藕

增農桑通訣二月間取帶泥小藕栽池塘淺水中或糞或豆餅壅之則愈盛

種竹

增種植書凡種竹於二月斷去西南根於東北角種其鞭自然行西南蓋竹性向西南行也諺云東

家種竹西家種地

河豚盛

增孔氏雜說河豚盛於二月梅堯臣詩春洲生荻芽春岸飛楊花河豚當是時貴不數魚鰕

王鮪魚

原懷慶府志河陽出王鮪魚即今黃魚形如豕口與目皆在腹下每春二月出於石穴逆河而

上人乃取之

種阜英

增經世民事錄二月種阜英有不結英者鑿一孔入生鐵四五斤用泥封之便開花結子或樹

自南北離地一尺各鑽一孔用木釘釘之泥封其竅便結寔

置牛馬廐

增黃帝宅經二月土氣衝坤方坤為人門龍腸宜置牛馬廐其位欲開拓壅厚亦名福囊

重而兼寔大吉乙庚日修

鱖鮒魚

原一統志沔縣渡水有二源曰清檢濁檢清水出鱖魚濁水出鮒魚常以二月取之

栽蓮

增農桑通訣春分前栽蓮則花出葉上

種山藥

增羣芳譜種植山藥春社日取宿根多毛有白瘤者竹刀截作二寸長塊先將地開作二尺寬

溝深三四尺長短任意先填亂糞柴一半上寔以土將截斷山藥豎埋於中上仍以糞土覆與溝平時澆灌之苗生以竹或樹架作援

高三四尺當年可食

天道西南行

原元樞經二月天道西南行作事出行宜向西南吉

趙孟頫二月耕詩

增東風吹原野地凍亦已消早覺農事動荷鋤遇相招遲遲朝日上炊烟

出林梢土膏脉既起良耕利若刀高低遍翻壑宿草不待燒幼婦頗能家井臼常自操散灰綠舊俗門徑環周

遭所冀歲有成

殷勤在今朝

趙孟頫二月織詩

增仲春凍初解陽氣方滿盈旭日照原野萬物皆欣榮是時可種桑插地

易抽萌列樹遍阡陌東西各縱橫豈惟籬落間採葉憚遠行大哉皇元化四海無交兵種桑日已廣彌望綠雲

平匪惟錦綺謀
祇以厚民生

物候

孳尾

原書鳥獸孳尾傳乳
化曰孳交接曰尾

嘉時

增詩草虫箋草蟲鳴阜螽躍而從之異種同類猶
男女嘉時以禮相求呼疏嘉時謂嘉善之時仲春

也之月

萬歲樹

增詩隰有杻疏杻櫨也葉似杏而尖白色皮正
赤為木多曲少直枝葉茂好二月中葉疏華如

練而細藥正白蓋樹今官園種之正名曰
萬歲既取名於億萬其葉又好故種之

桃始華

原禮桃始華增易通卦驗驚蟄大
壯初九候桃始華不華倉庫多火

倉庚鳴

原禮倉庚鳴注倉庚驪黃也夏小正有鳴倉庚
傳倉庚商庚也商庚者長股也增說文倉庚鳴

則蠶生爾雅翼倉庚黃鳥而黑章齊人謂之搏黍秦人
謂之黃流離幽冀謂之黃鳥一名黃鸝留或謂之黃栗

流一名黃鸞
二月而鳴

鷹化為鳩

原禮鷹化為鳩注鳩搏穀也增爾雅注今之布穀也晉書孔羣傳陽和布氣鷹化為鳩至

於識者猶
憎其目

蟄虫啟戶

原禮蟄虫咸動啟戶始出疏戶謂穴也謂發所蟄之穴蟄虫早者孟春乃出則左傳啟蟄

而郊是也蟄虫晚者則二月始出故此云蟄虫咸動則正月未皆動增家語啟蟄不殺注春分雷發蟄虫啟戶咸出於此時不殺生也

合馬牝牡

增周禮夏官牧師注中春陰陽交萬物生之時可以合馬之牝牡也

俊羔

原夏小正初俊羔助厥母弼傳俊也者大也弼也者養也言大羔能食草木而不食其母也

昆小蟲抵蚘

原夏小正昆小虫抵蚘傳昆者衆也小虫動也萬物至是動而後著抵猶推也蚘螻

卵也為祭醢也

榮莖

原夏小正榮莖傳榮莖菜也

燕乃睇

原夏小正來降燕乃睇傳燕乙也降者下也睇者眄也視可為室者也增江總咏燕詩二月春

暉暉雙燕理毛衣銜花弄羅靡拂葉隱芳菲或在堂間戲多從幕上飛若作神仙履應往日南歸

樹杏

原淮南子二月其樹杏注杏有核在中陰在內陽在外也

禾生

增說文春分而禾生

芍藥榮

增埤雅芍藥榮於仲春華於孟夏傳曰驚蟄之節後二十有五日芍藥榮是也

桐花鳳

增益部方物略記桐花鳳二月桃花始開是鳥

落輒去蜀人珍之故號為鳳或為人捕置樊間飲以蜜漿哺以炊粟可以閱歲

躑躅花

增嶺南異物志南中花多紅赤亦彼之方色也唯躑躅為勝嶺北時有不如南之繁多也山谷

間悉生二月發時照耀如火月餘不散

橄欖

增南州異物志橄欖閩廣諸郡及緣海浦嶼間皆有之樹高丈餘葉似樟柳二月開花

烏蔽

增圖經本草烏蔽二月生苗多在林中作蔓

梨花

增本草綱目梨樹高二三丈尖葉光膩有細齒二月開白花如雪六出

旱芹

增本草綱目芹有水芹旱芹水芹生江湖陂澤之涯旱芹生平地有赤白二種二月生苗其葉對節

而生似芎藭莖有節
稜而中空其氣芬芳

楊梅

增本草綱目楊梅樹葉如龍
眼及紫瑞香二月開花結寔

銀杏

增本草綱目銀杏生江南以宣城者為勝樹高二
三丈葉薄縱理儼如鴨掌形有剌缺面綠背淡二

月開花成簇青白色二更
開花隨即卸落人罕見之

榛樹

增本草綱目榛樹低小如荆叢生二月生
葉如初生櫻桃葉多皺文而有細齒及尖

薤花

增本草綱目薤葉似韭二月開細花紫
白色根如小蒜一本數顆相依而生

山慈姑

增本草綱目山慈姑冬月生葉二月中枯一莖
如箭筈高尺許莖端開花白色亦有紅色黃色

者上有黑點其花乃衆花
簇成一朶如絲紐成可愛

山茱萸

增本草綱目山茱萸葉如梅有刺二月開花如杏

竹茹

增荆溪疏竹茹蕈也小如錢赤如丹砂生以二月山中所在皆有之

海鯢生育

增海槎餘錄海鯢乃水族之極大者梧川山界有海灣上下五百里橫截海面當二月之

交海鯢來此生育隱隱輕雲覆其上風日晴暖則有小海鯢浮水面隨波蕩漾而來

海棠

增陶朱公書二月間將貼梗海棠攀枝着地以肥土壅之自能生根來冬截斷春半移栽以棠梨接

之則成西府以木灰接之則成白色

接山茶

增陶朱公書山茶二月接以單葉接千葉則花盛而樹久

占驗

愆候

原禮仲春行秋令則其國大水寒氣總至冠戎來征注酉之氣乘之也又行冬令則陽氣不勝麥乃

不熟民多相掠注子之氣乘之也又行夏令則國乃大旱暖氣早來虫螟為害注午之氣乘之也

降入

增史記天官書單閼歲歲陰在卯星居子以二月與發女虛危晨出曰降入大有光其失次有應見

張名曰降入其歲大水

驚蟄占

增易緯驚蟄晷長八尺二寸當至不至則霧稚禾不成老人多病嚏未當至而至多病癰

疽腫

春分晷占

增易緯春分晷長七尺四寸二分當至不至先旱後水歲惡米不成多病耳痒

雷聲雄雌

原師曠占春雷始其聲拍拍格格震震者雄雷也旱氣也其聲音音依依大不震者雌雷

也水
氣也

甲戌風占

增師曠占二月甲戌日風從南來者稻熟

乙卯日占

增師曠占二月乙卯日不雨晴明稻上場不熟

石魚

增盧陵異物志開寶四年黔南上言江心有石魚見上有古記云廣德元年二月大江水退石魚見

部民相傳
豐稔之兆

三卯宜豆

原經世民事錄二月內有三卯則宜豆無則早種禾

宜連霜

原便民圖纂二月宜連霜諺曰一夜春霜三日雨三夜春霜九日晴

驚蟄雷

原陶朱公書驚蟄前後有雷謂之發蟄雷聲初起從乾方來主人民災坎方來主水艮方來主

米賤震方來主歲稔與坤方來主蝗
虫離方來主旱亢方來主五金長價

春分雨

增陶朱公書春分雨人有
灾諺云春分無雨病人稀

朔值占

原陶朱公書二月朔日值驚蟄主
蝗虫值春分主歲歉風雨主米貴

二月總占

增陶朱公書詩曰初二天晴東作興初七八
日看年成花朝此夜晴明好何慮連綿夜雨

傾

風占

原陶朱公書二月初八東南風謂之上
山旗主水西北風謂之下山旗主旱

虹占

原陶朱公書二月內虹見在
東主秋米貴在西主蠶貴

甲子雷

原通考甲子日發
雷大熱一云大熟

社日雨

原通考春社日
雨年豐果少

春分風

原萬寶全書春分日西風麥
貴南風先水後旱北風米貴

朔晦雨

原四時占候二月朔日雨
稻惡糴貴晦日雨人多疾

雜紀

山稱萬歲

增漢書武帝紀太始三年二月幸琅邪
禮日成山登之罘浮大海山稱萬歲

黃鵠下

增漢書昭帝紀始元元年二月黃鵠下建章宮
太液池中後漢書章帝紀元和二年二月辛未

幸泰山柴告岱宗有黃鵠三十從西南
來經祠壇上東北過於宮屋翔翔升降

獻寶鼎

增後漢書明帝紀永平六年二月
王雒山出寶鼎廬江太守獻之

鳳皇集

增後漢書章帝紀元和二年二月己未鳳皇集肥城

中東門

增李尤中東門銘中東處仲月值當鼎倉
庚有聲隼鷹匿爪除去桎梏訟獄勿考

造刀劍

增魏文帝序建安二十四年二月壬午魏太子
丕造百辟寶劍長四尺二寸選茲良金令彼國

工精而鍊之至於百辟淬以清漳礪以礪諸光似流星
名曰飛景又二月丙午造刀三其二曰含章彩似丹霞

冰泮婚成

原晉書藝術傳令狐策寧立冰上與冰下人
語索統曰冰上為陽冰下為陰陰陽事也士

如歸妻迨冰未泮婚姻事也君在水上與水下人語為
陽語陰媒介事也君當為人作媒冰泮而婚成會太守

田豹因策為子求鄉人張
公徵女仲春而成婚焉

芳林園賦詩

增千寶晉紀泰始四年二月上
幸芳林園與羣臣宴賦詩觀志

欽定四庫全書

卷六

孔雀來翔

增華陽國志雲南郡出孔雀常以二月來翔月餘而去

騶虞見

增梁書武帝紀天監十年二月戊申騶虞一見荊州華容縣

野蠶成繭

增南史梁武帝紀天監十一年二月新昌濟陽二郡野蠶成繭

獲神璽

增北史魏文帝紀大統三年春二月槐里獲神璽三

得天數

增北史庾季才傳昔周武王以二月甲子定天下享年八百漢高帝以二月甲午即帝位享年

四百故知甲子
甲午為得天數

鹿女

增西域記伽藍北有仙人隱居巖谷仲春之月鼓權清流麋鹿隨飲感生女子姿貌過人惟脚似鹿

仙人見之妝而養焉後令求火至於仙廬足所踏地跡皆有蓮花王維詩鹿女踏花行李羣玉詩會須隨鹿女

乞火到
憲前

林邑歲首

增舊唐書林邑國俗以二月為歲首稻歲再熟

春光好

增羯鼓錄明皇嘗遇二月初詰旦巾櫛方畢時當宿雨初晴景色明麗小殿內庭柳杏將吐覩

而嘆曰對此景物豈得不與他判斷之乎左右相目將命脩酒獨高力士遣取羯鼓上旋命之臨軒縱擊一曲曲名春光好神思自得及顧柳杏皆已發坼上指而笑謂妃嬪曰此一事不喚我作天公可乎嬪御侍官皆呼萬歲

頭網玉芽

增北苑茶錄白茶與勝雪自驚蟄前興役浹日乃成飛騎疾馳不出仲春已至京師號為

頭網
玉芽

上梁宴

增玉海天禧五年二月丙辰詔近臣觀羣玉藻珠殿上梁宴承明殿

跳月

增續文獻通考苗人仲春刻木為馬祭以牛酒老人並馬箕踞未婚男女吹蘆笙以和歌詞謂之跳

月

張衡歸田賦

增於是仲春令月時和氣清原隰鬱茂百卉滋榮王雎鼓翼倉庚哀鳴交頸頡頏閨

閨嚶嚶於焉逍遙聊以娛情

曹植節遊賦

增於是仲春之月百卉叢生萋萋萬萬翠葉朱莖竹林青蔥珍果含榮凱風發而時

鳥歡微波動而水虫鳴感氣運之和順樂時澤之有成

晉二月折楊柳歌


增翩翩鳥入鄉道逢雙燕飛勞君看三陽折楊柳寄言語儂歡尋還不復

久

李賀二月樂詞

增二月飲酒采桑津宜男草生蘭笑人
蒲如交劒風如薰勞勞鶯燕怨酣春薇

帳逗烟生綠塵金翹峨髻
愁暮雲沓颯起舞真珠裙



御定月令輯要卷六